

NOËL AR VUGALIGOU

The musical score is written on four staves in a single system. Each staff begins with a treble clef, a key signature of one flat (B-flat), and a common time signature (C). The lyrics are printed below the notes on each staff.

Noz Ne-de-lek o ka-ê-ra noz Mab Dou-e d'euz
ar ba-ra-doz : zo dis-ken-net en eur c'hraouik
E furm an dou-sa bu-ge-lik Hag e c'halv ar
vu-ga-li-gou Da rei de-zan ho c'h-lo-nou.

1.

Noz Nedelek, o kaera noz,
Mab Doue, d'euz ar baradoz,
'Zo diskennet en eur c'hraouik,
E furm an dousa bugelik. —
Hag he c'halv ar vugaligou
Da rei dezan ho c'halonou.

2.

He gavelik a zo kalet,
Var ar c'holo e ma kousket
E kreiz etre daou aneval,
En eul lochik du ha tenval ! —
Guelloc'h kavel, bugaligou,
A c'houlen en ho kalonou.

3.

E kichenik he vam Mari,
Jezus a gren he izili,
Rag an amzer zo kriz meurbed,
Ha n'euz ket na tan nag oaled ! —
Evit toma he vemprouigou,
He c'houlen tan ho kalonou.

4.

Gant kanaouennoù dudiùs
En honor d'ar Makik Jezus,
An Elez o deuz divunet
E kreiz an noz ar bastored. —
Evel kan Elez an Envou
E kar kan ar vugaligou.

5.

Ar bastored zo diredet
Da zaludi Salver ar bed :
Gant eur galon pur ha santel
Ee'h adoront an Doue-Bugel. —

D'an dud pur 'vel bugaligou
E vo rouantelez an Envou.

6.

E bolz an Env, eur stereden
Lugernus evel aour melen
A sclerijenn an tri Roue
Evit mont beteg Mab Doue. —
Lezen Jezus, bugaligou,
Eo stereden hon eneou.

7.

D'he zelou-mad, an tri Roue
A ginnig d'ar Mabik-Doue
An aour, ar myrrh hag an ezanz,
Gant ho feden leun a fisianz. —
Gwir denzor ar vugaligou
Eo furnez en ho c'halonou.

8.

Mez, dirag kounnar Herodez,
Gant sant Joseph hag ar Verc'hez
Ar Mabik Jezus zo tec'het,
Anez e vije bet lazet ! —
Diouallit mad, bugaligou
D'hen laza dre ho pec'hejou.

9.

Kalz a innosanted santel.
Evit Jezus an Doue-Bugel,
Digant ho mammou diframet,
Eb truez a oue bourrevet ! —
Evit Jezus, bugaligou,
Nep a varv, a ia d'an Envou.

10.

Evel er c'hraouik, hor Zalver,
Er Zacramant euz an Aoter
Zo dous ha leun a vadelez :
Hag ar pezh a c'houlen bemdez
Eo, ma teui ar vugaligou
D'hen reseo en ho c'halonou.

11.

Promettit d'ar Mabik Jezus
Beza bepred fur ha sentus
Evit prepar mad ho kalon
D'hen reseo er gommunion. —
Ha korf Jezus, bugaligou
Ho kasso beteg an Envou.

J. L. J.

IMPRIMATUR

Lambézellec, 14 décembre 1910.

A. GADON, VIC. GÉN.